

EFA Piñeiral

Formación Profesional

“PLAN DE CONTINXENCIA”

Anexo VI



O Plan de Continxencia do centro EFA Piñeiral ten por finalidade establecer os procesos para o reinicio da actividade académica presencial no caso de que se teña interrompido a suspensión da actividade lectiva como consecuencia da aparición dun gromo que supoña o cese da actividade presencial nun aula/familia profesional/centro.

ACTUACIÓNS PREVIAS DIANTE DA APARICIÓN DUN ABROCHO

1. **Non asistirán ao centro** aqueles estudantes, docentes e outros profesionais que **teñan síntomas compatibles con COVID-19**, así como aqueles que se atopen en illamento por diagnóstico de COVID-19, ou en período de corentena domiciliaria por ter contacto estreito con algunha persoa con síntomas ou diagnosticada de COVID-19.
2. Diante dun suposto no que unha persoa ou alumno da que se sospeita que comeza a desenvolver síntomas compatibles con COVID-19 no centro educativo seguirase o presente plan de continxencia e **levarase a un espazo separado de uso individual**, colocárselle unha máscara cirúrxica (tanto ao que iniciou síntomas como á persoa que quede ao seu coidado), e contactarase coa familia, no caso de afectar a alumnado.
3. O alumno maior de idade **debe chamar ao centro de saúde de Atención Primaria de referencia, e seguirá as súas instrucións**. No caso de que sexa un alumno menor idade, o equipo Covid comunicará a familia e esta é a que ten que chamar ao seu médico de referencia.

En caso de presentar síntomas **de gravidade ou dificultade respiratoria chamarase ao 061**.

O/A traballador/a que inicie síntomas debe abandonar o seu posto de traballo, e logo de seguir as instrucións do centro de saúde ata que a súa situación médica sexa valorada por un profesional sanitario.

4. No **suposto da aparición dun caso, ou dunha sospeita**, de coronavirus nun **centro** educativo tanto sexa do alumnado, profesorado ou persoal do centro, **a persoa coordinadora do equipo formado na COVID-19 contactará coa Xefatura Territorial de Sanidade** para comunicarllo. Será a propia Xefatura Territorial de Sanidade quen investigará os contactos que existan dentro do centro e os identificará, enviando a listaxe de contactos á Central de Seguimento de Contactos (CSC) quen se encargará da vixilancia evolutiva das persoas identificadas como contactos. Estas terán a consideración de contactos estreitos dun caso de

Covid-19 e deberán estar en corentena no seu domicilio durante o período que sinala a xefatura de sanidade.

Segundo o criterio epidemiolóxico **considerase contacto estreito** a calquera alumno, ou profesional do centro educativo que compartise espazo co caso confirmado a una distancia de menos de 2 metros ao redor do caso confirmado durante máis de 15 minutos sen utilizar a máscara. Os contactos serán determinados pola autoridade sanitaria segundo os protocolos vixentes en cada momento.

5. A familia dun alumno/a menor idade con **sospeita de contaxio, deberá solicitar unha consulta telefónica co seu médico de referencia** para que este avalíe a necesidade de solicitude dun test diagnóstico. En calquera caso, deberá comunicar ao equipo Covid do centro os resultados desta consulta, para que este poida facer un seguimento da ausencia do alumno en cuestión. Este procedemento é o mesmo para alumnos maiores de idade.
6. **Tras a aparición dun caso diagnóstico da Covid 19 seguiranse as recomendacións da Xefatura Territorial de Sanidade**, sendo posible que nun centro teña que estar **illada unha parte dun centro educativo (aula ou grupo de aulas)** mantendo o funcionamento do resto da forma habitual en función do número de contactos identificados en cada gromo.
7. **A autoridade sanitaria**, en coordinación coa Consellería de Educación **determinará en cada caso o número de persoal e alumnado afectado e a duración das medidas de corentena o que se comunicará ao equipo COVID do centro** para a súa comunicación á comunidade educativa, sen prexuízo da información que sexa facilitada pola autoridade sanitaria.
8. **A autoridade sanitaria**, en función do número de contaxios, **poderá ordenar o peche** dunha ou varias aulas, dun nivel educativo ou do centro educativo na súa totalidade de conformidade **con seguintes supostos**:
 - A **aparición dun único caso** confirmado nunha aula poderá supoñer a entrada en **corentena da totalidade do grupo que conforma a aula e do profesorado asignado** a ese grupo.
 - Cando exista unha detección de **3 casos positivos confirmados nos últimos 7 días** poderase acordar a medida do **peche do nivel educativo** completo onde xurdira o gromo ou, de ser o caso, da **totalidade do centro** educativo.

Polo tanto, en función da intensidade e virulencia do gromo, así como do número de persoas e niveis educativos afectados a Autoridade Sanitaria poderá acordar a medida de corentena da totalidade das persoas que conforman una aula, das que conforman un nivel educativo completo onde teña xurdido o gromo ou, de ser o caso, da totalidade das persoas que integran un centro educativo. A medida será proposta pola Autoridade Sanitaria dentro do Grupo de Coordinación e Seguimento da Pandemia.

9. **A aparición dun contaxio sospeitoso con posterior confirmación** é un suposto de **declaración obrigatoria** que implicará por parte da autoridade sanitaria a obriga de **entrada en illamento** de polo **menos 10 días** no caso da persoa enferma, e de entrada en **corentena de 14 días** a todas as persoas que teñan a consideración de **contacto próximo** de conformidade coas indicacións das autoridades sanitarias.
10. Finalizado o período de illamento das persoas que conforman una aula, familia profesional ou centro realizarase un proceso de retorno a actividade educativa ordinaria presencial.
11. En calquera caso, a suspensión da actividade lectiva presencial suporá a aplicación das normas previstas no presente protocolo relativas ao ensino a distancia.

Aos efectos de determinación do nivel de risco a autoridade sanitaria poderá volver a avaliar o pase ao nivel de riscos NR 2 para os supostos de consideración de vulnerabilidade e de cualificación de persoal sensible.

ACTUACIÓNS PARA O PERÍODO DE ACTIVIDADE LECTIVA NON PRESENCIAL

12. **O ensino non presencial** será impartido polo **profesorado ordinario** do alumnado preferentemente a **través da aula virtual** de cada grupo. O profesorado realizará o seguimento do alumnado impartindo os coñecementos da materia de xeito virtual. Igualmente o/a profesor/a poderá poñer tarefas ao alumnado que reforcen co contido da materia ou a avaliación continua da mesma.
13. **O equipo COVID do centro identificará ao alumnado que teña dificultades de conexión** o falla de equipamento para que a consellería adopte as medidas oportunas que minimicen as eventuais dificultades da educación realizada por medios telemáticos.

-
14. Para cada caso concreto de suspensión da actividade lectiva presencial a Consellería poderá adoptar as medidas oportunas en relación cos períodos ordinarios de avaliación do alumnado cando coincidan co tempo de suspensión.
15. Durante o período de suspensión da actividade presencial o centro educativo ten previstas as seguintes medidas:
- Manter o contacto permanente co alumnado e as súas familias, tanto para coñecer a evolución do estado de saúde como para continuar co ensino a distancia.
 - Actualizar a aula virtual dos niveis afectados para garantir a continuidade no proceso de ensino-aprendizaxe.
 - Realizar tarefas de desinfección profundas no centro.
 - Revisar o protocolo para buscar posibles erros e facer as modificacións que se estimen oportunas.
 - Coordinar co profesorado implicado as quendas de organización das fases.

MEDIDAS PARA O REINICIO DA ACTIVIDADE LECTIVA PRESENCIAL

16. Finalizado o período de peche presencial da aula, nivel educativo ou centro realizarase un **proceso de reactivación por fases** para o reinicio da actividade lectiva.

As fases establecidas para a reactivación **son orientadoras**, existindo a posibilidade de modificar tanto a súa duración como a porcentaxe do alumnado incluído en cada fase.

O modelo a aplicar correspóndelle á Consellería de Educación co asesoramento da Consellería de Sanidade.

Sen prexuízo das medidas xenéricas establecidas no protocolo aprobado polas consellerías de Educación e Sanidade o centro ten previsto as seguintes fases de reincorporación:

FASE 1 (Adecuación dos espazos)

Duración:

Aínda que pode ter unha duración variable, intentarase que sexa dunha semana. Nesta primeira fase, previa ao reinicio da actividade, será o equipo COVID do centro quen estableza as actuacións a desenvolver, en colaboración coas autoridades sanitarias e educativas.

Obxectivos:

- Análise da situación dos espazos e as súas necesidades.
- Desinfección de todos os espazos
- Revisión do plan de adaptación buscando posibles erros na redacción ou na execución.

FASE 2 (Formación de pequenos grupos)

Duración:

1 semana aproximadamente

A porcentaxe do alumnado na aula de forma simultánea será do 50%

(Os grupos son de 20 ou menos alumnos)

Obxectivos:

- Formar ao alumnado na importancia das medidas de distanciamento físico, utilización de máscara e de hixiene de mans.
- Combinar o ensino presencial e a distancia.
- Revisión das actividades realizadas no período de ensino telemática.
- Avaliación desa etapa.

FASE 3 (Reforzo das medidas aprendidas):

Duración:

2 xornadas lectivas aproximadamente.

O porcentaxe de alumnos na clase e do 100% por ser grupos con 20 ou menos alumnos en cada familia profesional.

Obxectivos:

- Comprobar a adquisición das medidas adquiridas.
- Empregar o ensino presencial para resolver dúbidas e poñer en práctica os contidos expostos na aula virtual.

FASE 4 (Fase de reactivación)

Duración:

2 xornadas lectivas

Obxectivos:

- Realizar unha avaliación do desenvolvemento das fases.
- Comprobar o grao de adquisición de coñecementos do traballado.
- Realizar unha avaliación sobre os contidos adquiridos neste período.
- Volver á dinámica de clases presenciais, pero sen abandonar o emprego da aula virtual para as tarefas e para complementar as aprendizaxes na casa.